

後蘇龔合集

下

臺灣先賢詩文集彙刊 第一輯

6 後蘇龕合集(下) 施士洁撰

出版者：龍文出版社股份有限公司

發行人：周 崑 陽

地 址：台北縣板橋市中正路 341 巷 32 號一樓

電 話：(02) 2272-8092 (代表號)

傳 真：(02) 2272-1670

登記證：局版台業第 4167 號

E-Mail：long1215@ms28.hinet.net

出版日：中華民國八十一年三月 重印初版

定 價：第一輯 精裝 20 冊 新臺幣 12,500 元

總經銷：萬億圖書有限公司

郵政劃撥：19015316

ISBN：957-9616-14-0

◎本書如有缺頁、破損、裝訂錯誤，請寄回本公司調換

版權所有・翻印必究

臺灣文獻類編

臺灣先賢詩文集彙刊

103

後蘇龔合集

十七卷（原缺一卷）

〔臺南〕施士洁撰

黃典權編

民國五十四年（一九六五）十一月 臺灣文獻叢刊排印本

下：詩鈔卷九—卷十二、補編

詞草

文稿卷一、卷二、補編

王國璠 總編輯
高志彬 主編

龍文出版社 印行

國立中央圖書館出版品預行編目資料

後蘇龔合集 / 施士洁撰, -- 重印初版. -- 臺北市 : 龍文, 民 81
冊 ; 公分. -- (臺灣先賢詩文集彙刊. 第一輯 ; 5-6)

ISBN 9616-13-2(上册 : 精裝). -- ISBN
957-0616-14-0(下册 : 精裝)

839.32

81000941

後蘇龕詩鈔卷九

溫陵施士洁芸况

自鏡

自鏡明如許，心僧髮更童。卑官偏柳下，窮士尚蘆中。壯志沈西日，悲吟起朔風。角牙紛雀鼠，何以慰民衷？

馬卷道中

苦從田父問桑麻，爲道今年景物嘉。萬頃綠雲浮白雪，春來羞見米囊花！

古意

夢繞華燈十字街，醒時燈影印空齋。青棠私語藏香枕，紅豆新痕記曲牌，此物相思南國最，有人獨立北方佳。世間多少黃衫客，小玉緣何事不諧？

衙齋書感

一官傳舍任蓬飄，短髮含霜鏡影凋。公僕卽今無地主；國民到處有天驕。杜鵑血冷猶啼蜀，桀犬聲狂敢吠堯？從政可憐由地果，竟甘陋巷飲顏瓢。

青山捫蝨話昇平，阮裕由來少宦情。心迹略同前進士，頭銜合署古先生。黨人競立

甘陵部，豎子終成廣武名。聞說張王錢限坐，何時得見將星明。

送人作郡鬼無顏，大小官須大小寒。路上相逢應說項，世示此事共推袁。沈沈陸地龍蛇起，莽莽天關虎豹尊。一見平章稱萬拜，那知朱浚晦翁孫！

斗大眼章手自攜，九州同樹綵竿鷄。義丁白梃千山動，新法青苗一路啼！頑鎮鑄成名士錯，牝金累作達官梯。學書學劍誰兼就？康福依然笑爛奚。

運籌仰屋歎司農，奈此蒼生有病容！食肉乘軒終是鶴，點睛破壁竟非龍！季心俠客焚香拜，雍齒仇家鑄印封。誰中副車誰中柱，於今椎亡了無踪！

法航今日渡閩浮，平等如何得自由。朽木轉叨斤斧赦；名花終被綺羅幽。迷離白晝槐安夢，寥落青天杞國憂！別有寓公陵谷感，苦從塵海問菟裘。

劫灰飛剩舫山青，荊棘何堪滿訟庭。內翰肚皮原不合，君卿唇舌亦無靈。畫圖處處新朋甲，賦稅家家老復丁。鎮日哦松丞負我，有誰題壁到槐廳？

泣罪傷心枉下車，救時未解讀何書！魯恭慚對桑間雉，范冉愁生釜底魚。無術搏成新世界；有人撞壞好家居。櫓槍一掃雲霓慰，我憶當年「鮑吉祠」（同治間髮逆亂後，前廳鮑吉祠有神明之稱）。

舫山官樓夏坐

天留片石老尤頑，半載浮沈吏隱間。我與新巢諸燕雀，一時暫得處堂閒。
東望鯤身是故家，火雲如葉走窗紗。瑕邱欲解千年渴，冰谷空思一尺瓜。
短夢無聊破午鷄，披襟坐到夕陽西。舫山樓上涼於水，門外誰知卽夏畦。
四園天籟忽相遭，謾設晴空萬竅號。多事靜中翻作鬧，老榕平地起風濤。
熱官冷面坐堂皇，袁扇仁風孰奉揚？轉憶古時鄒衍獄，緣何溽暑竟飛霜？
櫛櫛衣冠六月天，有亭獨立亦超然。人間此卽甘棠樹，留取清陰待後賢。

黃恕齋孝廉「逸翰樓詩集」

先生道不與時諧，參透吟關號恕齋（如心爲恕，詩如其心）。野老酸辛留史筆，美人遲暮託騷懷。成連東海琴聲遠；雷煥豐城劍氣埋。我乞山雲分半席，軟紅塵裏贈乖崖。

舫山罷篆，留別代耆于君問樵

昔我舫山來，奇氣不可貯，漢鏐出苔井，冰霜照眉宇。今我舫山去，龍虎血魚鼠，竊效陶隱居，掛冠向神武。山靈詎我笑，臨歧若相語：『使君跳盪人，轡轡抑何苦？北山有發鶴，誰爲稚圭侶？三徑有松菊，誰爲元亮主？』我感山靈意，天外想遐舉；但恐弱水西，幾輩復沈羽。老朽蹶前轍，一齊敵衆楚。後軫紛如麻，蠻鄉織烟雨。金烏色正驕，九陌已焦土。奈何棄故國，裸俗甘逆旅？長揖謝山靈：『孤立我與汝！』

金鹿泉先生尊夫人六十雙壽，卽和其韻

吟筒祝嘏向珂鄉，佳話流傳徧越畝；福慧雙修真玉侶，精神百煉本金剛。味甜蔗境添籌記，年長松圍解帶量。彭澤歸來無箇事，未妨酒癖更詩狂。

齊眉纓指說「銀婚」，（泰西俗稱夫婦二十五年者爲銀婚式，五十年爲金婚式），共醉田間老瓦盆。百石才名喧短簿，五車書卷護長恩。眼中戲綵堪娛子；膝下含飴且弄孫。從此幔亭瑤島宴，好聯葭琰接椒樽（壽辰：先生十一月，夫人正月）。

絳縣春秋洛社年，朝冠已掛客車懸。山藏小西爲真隱，星應長庚是謫仙。老幹挹將霜後翠，寒花開到晚來妍。鑑湖乞得閒風月，始覺塵中別有天。

嗟予回首舊家山，寂寂鯤身水竹間。瘦聳吟肩猶耐冷，孤飛倦羽早知還。笑聽末俗呼牛馬，忍見中原競觸蠻。清福如君誰不羨？那須仙藥駐童顏！

歲壬子重九日，菽莊林先生浪嶼別墅宴集同里諸詩人。時，菽將有海外之行，挈其長君小眉就姻於日里；不佞躬茲勝會，烏得無言？倡爲近體二章，權當嚶引；錢菽莊，兼以賀文郎也

大陸烟消鷺水清，別緣珍重菊萸盟。紅絲早遞冰人語，綠綺能傳海客情。畫鷁歸裝將百兩，彩鸞吟韻寫雙聲。天臺飽喫胡麻飯，此是檀郎畫錦行。

數君祖典談梅鶴，老福如君更不同。且共陳村聯眷屬，未妨郭令學癡聾。簫吹年少眞仙耦；斧贈詩豪本父風。知有家傳京兆筆，畫眉應讓小眉工。

又代範其

乘龍飛度海之湄，聽唱驪歌喜可知。洗盡孤山寒瘦習，新添佳婦伴佳兒。

南軒詩禮一家春，生小朱門掌上珍。嫁得詞人林子羽，不須淨琬是前身（新婦張榮軒女侄，耀軒女也）。

和恕齋留別韻（壬子冬同客鸞門）

十八年前事，天留一棄民。龍頭方過渡，駿骨已埋塵。雪恥無窮涕，雲游自在身。此間三斗俗，排遣仗詞人。

大陸多增繳，鴻冥不可蹤。徵君拜黃憲，地主訪茅容。島市同淪落，騷壇孰折衝。桐陰吾故里，招隱願相從。

恕齋又題「後蘇龜詩草」，卽和其韻

薄醉微吟見性天，不談佛學不談仙。命宮有例偏磨蝎，付與髯蘇夙世緣。野史應慚元好問，秘書還讓賈長頭。生逢南渡偷安日，不幸詩名到陸游。

無情世界有情天，得見先生勝遇仙。自昔尹邢常避面，不圖今締鸞門緣。
怪蜃妖鯨鹽海氣，腥塵十丈苦蕪頭。何時野服還山去，款段親陪馬少游？

恕齋瀕行，賦贈長歌一篇，如韻和之

嘗聞舜行如羊羶，又聞治國如烹鮮；不圖四千年史忽灰滅，感視今昔殊天淵！我來
有所思，鸞門全盛時，士皆殷實民純樸，賈胡長技將焉施？自從權利苦外溢，若輩起家
動刀筆，王戎徒握子母籌，蕭何暫定中西律。共和人物大特色，黨禍無端又羅織，鼠目
麀頭奈爾何，火色鳶肩不相識。冰山百尺薤禍根，公門俸祿私門恩，乘軒舐隄食肉鄙，
么麼釜底皆游魂。咄哉，七鯤老民回首滄桑悲！百川欲障誰樂之？造化顛倒不可以究詰
，巧者反拙黠者癡。入市忽逢紈袴子，始信侏儒飽欲死；入城忽見紀功碑，始信羊質蒙
虎皮！鸞門，鸞門，是否殖民窟！萬古青山何處瘞詩骨？他年揖盜倘開門，此日徙薪先
曲突。恕齋先生顧我笑，莫作荊卿受徵調。先生磊落本英多，如椽大筆厓可磨！不須尊
奉客常何，不須騎射歌李波，惟有紅袖青衫兩渴羨，天涯到處留題徧。千秋寂寞身後名
，老子韓非或同傳。吁嗟乎噫嘻！放懷長歌宇宙窄，那管人間萬事迫？芷蘭誰爲遷客哀
，酌酒寒江弔湘魄。

次鷗塵和鄭天游韻

世皆欲殺是真才，莽莽神州但黑埃。誤我文章憂患始；看人鬼域宦游來。下圖零雨三年苦，又見飛霜六月哀！一例涪翁遷謫恨，斷腸詞和賀方回。

次鷗塵和陳雲叟韻

榕陰天日黯，誰鑒覆盆冤？玉惜崑岡碎，珠慳合浦還。赭衣丁道喪，墨綬負時艱。問訊鴉洲主，殘年倘賜環！亡彭眞惡識，張楚竟虛聲！豆泣煎何急？瓜分勢已成！屠沽酣豢地，金帛結交情。悔殺商人婦，寧爲不字貞！幾輩炎涼態，名場絕舊歡。壑溪心不厭，雲雨手能反。厝火悲薪積；吞舟笑網寬。劇憐軍府客，相對泣南冠！跬步皆荆棘，緣何得自由？豺狼當道路，狂狷小句留！家信沈黃犬，詩盟散白鷗。書空今咄咄，廷尉望山頭。

今年冬至，寒瘦全慘，擬有所作；夜以尊酒自犒，輒復閣筆。東海棄民忽擲新詩示我，心頭鹿鹿，率爾操觚，如韻和之。棄民殆亦如周之與施，相視而笑，莫逆於心歟

陽光如線可憐生，夜半聞鷄感惡聲。尉監千秋存漢臘，神宮萬家換周正（武則天大享萬象神宮，始用周正，改十一月爲正月）。驚心亞歲編詩史，徹骨窮冬鬪酒兵。我比

葭灰殊耐冷，不嫌舉世棄君平。

駒隙匆匆夕又除，百年虛度況三餘。倒持官版羞懷刺，狂溺儒冠悔讀書！豈有守株能待爾？那堪輜櫓竟藏諸！驚門撻就團圓節，一笑離羣且索居。

怨齋疊韻不已，如數和之

鯉城鷺市兩狂生，歷尾猶聞唱和聲。儘有滄桑悲客歲，更無漆竹紀王正。日長海國初添線，雨過天河未洗兵。記取屠蘇拌一醉，求仙莫問臘嘉平！

祭詩結習老難除，癡想黃羊享餽餘。苦皺通眉頻嘔句，枉愚黔首敢焚書！解官瀟灑陶彭澤，去國淒涼樂望諸。鳳鳥不來吾已矣，有人鐘鼓祀爰居！

三疊前韻寄答怨齋

政界風潮到處生，泮橋面首聽鵲聲。名場自昔譏狼藉；世道於今失鵲正！作郡宗資工畫議，能詩杜牧浪談兵。白衣蒼狗渾閒事，誰信彈棊局不平？

墨敕斜封競拜除，虬髯王氣小扶餘。鼠狐逐逐憑城社，猿鳥紛紛畏簡書。弓影杯中驚樂廣，劍光席上伏專諸。雷鳴瓦釜黃鐘棄，詹尹何須論卜居！

四疊前韻寄答怨齋

瓣香我欲奉先生，亙古風騷有繼聲。慧業端推康樂謝，仙姿幸挹伯僑正。催人臘鼓愁還債，避敵吟壇笑曳兵。幾度揚塵東海水，天留不死老方平。

爆竹飛紅滿砌除，胡僧細認劫灰餘。渡江叔寶茫茫感，閉戶深源咄咄書。病後殘骸同木偶，老來朽質類桃諸。詩中剩有靈光叟，奇貨從今大可居。

次林彥卿韻和鸚鵡

閱盡滄桑老眼詳，入山披髮合陽狂。搏沙社會爭林立，畫餅人材試斗量。幾輩操刀聊使割，誰家舞袖獨能長？南荒畢竟無知己，剩有青蠅弔仲翔。

擬草冤詞叩上清，茫茫天醉碧無情！滑稽枉自饑臣朔，痛哭終當謫賈生。不惜詩才爲鬼妬；但憑佛力與魔爭。能言鸚鵡非凡鳥，珍重千秋欄正平！

恨不高洋三尺劍，眼前一斬亂絲棼，空憐弱羽填冤海！誰起眞龍慰旱雲？遜世琴書彭澤令，傷時酒色信陵君。愈風今少陳琳檄，却撰山公九錫文！

張翰思歸豈爲鱸？一官羞聽馬牛呼！沐猴冠帶眞兒戲，幻蜃樓臺總子虛！孫泰披猖驚米賊，蕭宏聚斂笑錢愚。堂堂民國新豪俊，莫負昂藏七尺軀！

次黃光五「秋感」韻寄和鸚鵡

老來病葉挂危梢，骨帶銅聲試一敲。遼左管窠猶寄榻，江南宋玉未誅茅！鳥、郊落

落憐寒瘦，民物紛紛愧與胞。自笑多烘舊頭腦，相逢恐被少年嘲！

何物么膺污眼簾，丈夫無氣枉鬚髯！神州草木都黃落，海國魚龍尙黑甜！幾見鄰交爭富弼？頗聞稅法困楊炎！箇中圓缺親經劫，淒絕高寒老桂蟾。

世宙陵夷，子衿佻達，抱道之士，怒然憂之。王子少濤秉姿獨粹，績學彌劬，庸中佼佼，百不一遇。與予同里，夙不謀面。頃游鷺門，恨相知晚。是固恂恂儒者，而又有志於爲詩者也。鷺門旭瀛書院，學子薈焉，少濤實司訓導。暇輒文酒過從，出示「賞膏廬」、「泊客樓」諸吟草，句予屬定。邇復自署「曾經滄海」一圖，廣徵海內外名流鉅子題詠，兼及書畫，仿爲百衲之製。予維少濤年少美才，應求之雅，環球咫尺；斯圖特嚆矢耳。爰志四絕，爲異日券

少年又見宗元幹，破浪乘風志不凡。滄海我曾經幾度，因君面首七鯤飄。神交彼此兩忘年，瀛北瀛南一線牽。今日鷺門同作客，天留詩客客中緣。吟場把手笑相逢，此是飛鴻印雪蹤。佛助（潤菴）、阿蒙（郁文）君鼎足，海天初日見三峯。

扶桑勝處吸文明，訓導於今重旭瀛。遊徧嘉禾山水窟，能詩摩詰本前生。

五疊前韻寄答恕齋

黃梁一枕醒盧生，抱葉雌蟬冷噤聲。粉煮雙弓過臘八，湯煎五木待春正。韓文游戲驅窮鬼，杜律森嚴樹勁兵。雪案蕤頭聊卒歲，老民私幸泰階平。

司命昏昏醉未除，瘦□博士食無餘。自憐儒素酸寒相，不解陶朱貨殖書。神物飛騰憑阿堵，庸奴緣飾競偏諸。閭浮世界黃金色，何處菟裘足隱居？

六疊前韻寄答恕齋

墜溷飄茵過半生，蟲吟都作客邊聲。重繙舊曆從先進，兩祝新年閏始正，迫歲開緘驚奉檄，連宵覓韻苦徵兵。欲招禽慶遊山去，昏嫁何時了向平？

雙丸烏兔急乘除，詩卷光陰暇有餘。柏葉預儲元夕酒；桃符新換隔年書。婢呼如願能來否？鬼祀長恩敢忽諸。遙憶鯤身小兒女，圍爐歡繞舊茅居！

七疊前韻寄答恕齋

霜催白髮鏡中生，根觸嚶求此友聲。詩草傷時還感事，郵筒送臘復迎正。潯陽楓荻愁司馬，江左尊鱸憶步兵。擬向君家尋道侶，入山叱石學初平。

癡獸賣盡怪魔除，壓歲牀錢少俸餘。樂死祇應師內史；老狂其奈禿中書！浮家辛苦胡爲者？近市囂塵盡去諸？歸隱縱無乾淨土，乘桴終陋九夷居。

八疊前韻寄答恕齋

未免常談笑老生，雷門布鼓不成聲。愧無束脯來修贄，權以吟牋當賀正。雄伯陳琳誰敢敵？偏師秦系尙能兵。文强家學文江筆，餘子公牘一掃平。

區區鱗瓜任刪除，已得驪珠可棄餘。急點催成三疊拍，奇珍搜徧五車書。千軍筆勢吞雲夢，九曲詞源被孟諸。遙望詩城執降旌，陳芳國裏覲王居。

九疊前韻寄答恕齋

風味醺人似麴生，鯉魚尺素遞吟聲。相思幾日猶經歲，鏖戰三冬直到正。逋負纍纍慚債帥，包抄疊疊駭神兵。乞盟城下從今始，曹檜甘心與楚平。

寸心茅塞仗誰除？學語牙牙拾唾餘。笑我枯腸艱索句；輸君便腹富藏書。八叉鬪韻今無矣；七步成章古有諸！欲乞金丹換凡骨，上清翹首五雲居。

十疊前韻

一粟寒缸百感生，曉鐘猶未報春聲。少年杏宴都成夢；逆旅椒觴不算正。冰雪題襟眞冷伴；烟雲落紙盡疑兵。天然斌媚梅花賦，鐵石誰知宋廣平。

偷閒暫把杞憂除，鉢響催殘燭刻餘。考歷誰調新舊律？趨時擬學短長書！鵝雛翦土